



L'Hurouso Jardinieiro.

ER : *Ah! vous n'en venei.*

LAU sàì 'n'hurouso jardinieiro,
E crese be qu'hor d'aciden
 Iau possorài mo vito entieiro
 Lou cœur joyoù, l'espri counten ;
 Dì Jocu i'ài trouba 'n'omi
 Si chàu, si pouli,
 Serviabile, eiveri ;
 Iau lou vese per me chaque jour
 Uflâ soun omour.

Au s'enten forço au jardinaje,
 Sur l'aubrezo au se empèutâ.
 Quan au iau fài, làuve l'oubraje,
 E me plase à lou segoundâ.
 Quan à lo quilio au vài plantâ,
 Sei jomài liniâ,
 Au se lo couniâ.
 Lou courdèu ne li ser de re,
 Au vài toujours dre.

Re ne se per de ce qu'au planto ;
 Tout pouso e douno daus jitous.
 Dì l'hiver quan au fài uno anto,
 L'eicussou pouso daus boutous.
 Dì l'oleo tout ei raclia,
 Toujour eicerba,
 Si be ratissa !

I'àime à lou veire en soun ratèu
Dî quiau sendorèu.

Fau veire coumo au se deimeno
Quan l'envio li pren de bessâ ;
De lo tèro au fen lo coudeno
Au semblo ne pâ se lossâ.
Sur so palo au o lou brâ loun,
Viro lou gazoun,
Entro jusqu'au foun.
Per fâ quo dî notre cartier
N'y o pâ soun porier.

Quan lou vese branlâ lo poumpo,
Lo se me pren, coure au boute ;
I'ài toujour pau que lo ne roumpo,
Tan au l'y vâi de bouno fe.
Lou pistoun pouso avec eifor,
L'àigo mounto au cor,
A ple tudèu sor.
En cinq au chie cos de coude,
Notre bacœi ple.

Au àimo forço mo persouno ;
Iau me sâi eitochado à se.
Troube mo fourtuno prou bouno :
Iau ne vole pâ d'âutre be.
Lou plosei me chotinlio aici ;
Dau sei au moti
Vive sei souci.
Quante lou cœur ei bien counten,
Un o prou d'arjen.